

Nunaoil A/S pillugu Inatsisartut inatsisaata allanngortinneqarneranik Inatsisartut inatsisaat nr. 16, 8. juni 2017-imeersoq (Ingerlatseqatigiiffiup siunertaata, siulersuisut katitigaanerisa il.il. allanngortinneqarnerat)

§ 1

Nunaoil A/S pillugu Inatsisartut inatsisaanni nr. 15, 7. december 2009-imeersumi makkua allanngortinneqarput:

1. § 1 imatut oqaasertalerneqarpoq:

” § 1. Nunaoil A/S-ip ikummatissiassanut akuersissutini kiisalu suliaassani tamatumunnga pissusissamisoortumik atasuni Namminersorlutik Oqartussat peqataanerat isumagisaraa.”

2. § 3, *imm.* 1-3, imatut oqaasertalerneqarput:

” Ingerlatseqatigiiffiup ataatsimeersuarnerani, aktiaatileqatigiiffinni siulersuisunik toqqaasarneq pillugu ingerlatseqatigiiffinnut inatsimmut sukkulluunniit atuuttumut naapertuuttumik, siulersuisut qinerneqassapput, taamaattoq takuuk § 4.

Imm. 2. Naalagaaffiup Namminersorlutik Oqartussanut tapiissutai 0 koruuninngorlugit ikilisinneqarnissaasa tungaanut, naalagaaffik siulersuisuni ilaasortassatut inummik ataatsimik toqqaasinnaavoq.

Imm. 3. Inatsisitigut, aningaasaqarniarnikkut inuussutissarsiornikkullu pissutsit pillugit qaffasissumik uppersaatitalimmik ilisimasaqarneq siulersuisuni ataatsimoortuni takuneqarsinnaassaaq.”

§ 2

Inatsisartut inatsisaat ulloq 1. juli 2017 atuutilerpoq.

Namminersorlutik Oqartussat, ulloq 8. juni 2017

Kim Kielsen